



La setavla exposiziun a Falera

Malgrà corona – En la Fermata èn actualmain da contemplar las ovras da quatter artists.

5



Lorenzo Polin ha survivì il suicid

Il Teater Cuirra ha preschentà il toc 'White Rabbit red Rabbit' a Samedan.

7

südostschweiz

LA QUOTIDIANA

FMR Fundaziun Medias Rumantschas, Via da Masans 2, 7000 Cuirra, 081 544 89 10, redacziun@fmr.ch

■ ENGIADINA

Vendita da marcas da la Pro Junior

(fmr/afi) Las bustas gelguas da la Pro Junior Grischun sun inгон rivadas per posta. Pervi da la pandemia dal coronavirus nu das-chan las scolaras e'ls scolar ir quist on da chasa a chasa a scumpartir ed a ramassar las bustas. Daspö l'on 1914 venda la Pro Juventute, uossa la Pro Junior marcas postalas cun ün supplement. Il rechav net da quista vendita va a favur da progets per uffants e giuvenils da la regiun. In Engiadina Bassa vain cun quist import sustgnü il (S) pass da vacanzas. Il tema da las marcas postalas da quist on es «Ün'infanzia sainza pissers».

> PAGINA 7

■ SURSELVA



Sisum la Casa Carigiet – maletgs pauc legrevivels. FOTO HANS HUONDER

Plievgia e neiv ein stai tissi

(fmr/hh) Plievgia e neiv han destruiu las parts dalla Casa Carigiet a Trun ch'eran buca vegnidas donnegiadas digl incendi. «Il baghetg ei staus rondund in onn e miez senza tetg. Cheutras ei penetrau bia aua el-la casa», di igl architect Remo Derungs che sefatschenta dalla substanzia restonta digl object all'entrada dil vitg. Cun excepziun dils mirs vegn pauc a restar la fin finala cura che las parts donnegiadas ein allontanadas. Il mument lavuran ils specialists vid in studi da realisabladad per la reconstrucziun dalla casa. Tenor la suprastonta da Trun Cultura, Lisa Schmidt-Candinas, vegn quel ad esser avon maun il december: «Silsuenter ha ei num decider co proceder.» Rimnar daners per las empremas lavurs mondi fetg vess.

> PAGINA 3

■ GRISCHUN CENTRAL

Turists scu furmeilas

(fmr/gns) I vagn en aton scu or digl codesch, en de pi bel tgi l'oter cun temperaturas prest premavangas. Vetiers vign tgi vagn cuagl coronavirus angal ple en tema e la gliout ò cotras igl basigns d'eir or ainten la nateira d'eir ad ot e da galdeir igl sugleagl. Uscheia vaina las davosas fegns d'emda prest gia staschung ota igl november e chegl ainten tot las destinaziuns da vacanzas digl Grischun. Turists scu furmeilas ins ò er gia sonda e dumengia a Lai. Ena rotscha viandants ed anc daples bikers eran per veia a Planeieras ed a Valbella. Tots chels èn sa tgapescha er scapos dalla brainta tg'è alla bassa igl maletg da mintga de.

> PAGINA 8

Las linguas da la pussanza

Il rumantsch ed il talian èn sutrepreschentads en l'administraziun federala

DA MARTIN CABALZAR/FMR

■ I n'è nagina surprisa: il rumantsch ed il talian èn sutrepreschentads en l'administraziun federala. Uss è quai dentant cumprovà scientificamain. Il Center per democrazia ad Aarau ha prendì sut la marella la plurilinguitad tar la Confederaziun e constatà ch'i dat ina discrepanza eclatanta tranter teoria e pratica. Radund 60 pertschient dals 67 uffizis federals na resguardan betg la represchentanza proporziunala postulada per las minoritads linguisticas. Il represchentant da la gruppa parlamentara «Lingua e cultura rumantscha», cusseglier nazional Jon Pult ha constatà ch'il rumantsch gaudia bain gronda simpatia e bainvulientscha a Berna, accentuescha dentant che quai na tanschia betg. Il rumantsch na dastgia betg vegnir considerà mo sco floscla d'alibi en plets festivs e degradà sco decoraziun folcloristica.

> PAGINA 2



En l'adminstraziun federala dominescha il tudestg. Talian e rumantsch èn sutrepreschentats. FOTO BARANCO1/CC BY-SA 2.0

«Era sche tut ils Rumantschs chapeschan in l'auter, ha mintgin il sentiment da stuair duvrar e defender l'agen pled.»

Tustgets, mams, grassins, momas – Laura Schütz e Luana Bearth davart la charplina linguistica dal biscuit rumantsch – pagina 12

Glatsch enstagl serein



(fmr/sr) Il Lag Serein sur l'Alp Glivers ella vischnaunca da Sumvitg ei actualmein cuvretgs cun ina cozza da glatsch. Damai ch'ei ha buca neiv, attira quei lag alpin era il november aunc massa viandonts. Enzacons «curaschus» han perfin nezegiau il glatsch natural per far enzacontas rundas cun patinas.

pagina 6



30047



9 771424 749004

Servetsch d'abunents e da distribuziun: tel. 0844 226 226 mail: abo@somedia.ch